

30/05/2000

5,500 lagi tempat letak kereta

KESESAKAN lalu lintas hasil sambutan luar biasa penonton pada malam pembukaan rasmi Sukan Malaysia (Sukma) VIII tidak akan lagi dibenarkan berulang pada malam penutup temasya itu, Sabtu ini.

Ketua Menteri Pulau Pinang, Tan Sri Dr Koh Tsu Koon, yang juga pengerusi jawatankuasa temasya, sudahpun mengarahkan Jabatan Kerja Raya (JKR) untuk menangani masalah itu secepat mungkin.

"Saya sudahpun mengarahkan JKR Pulau Pinang untuk menyediakan 5,500 petak tempat letak kereta tambahan di sekitar Stadium Negeri Batu Kawan sebelum malam Sabtu ini.

"Ia adalah sebagai tambahan kepada 4,500 petak meletak kereta sedia untuk mengurangkan kesesakan yang dijangka berlaku pada malam penutup nanti," katanya.

Upacara penutup temasya itu akan disempurnakan oleh Perdana Menteri, Datuk Seri Dr Mahathir Mohamad.

Mengulas kesesakan yang berlaku sebelumnya, dengan kenderaan tersangkut hampir tiga jam sebelum mampu meninggalkan perkarangan stadium, Dr Koh berkata kekurangan tempat letak kereta itu jelas puncanya.

(END)